



Službeni glasnik OPĆINE OLOVO

Godina XVII

Broj: 14

Olovo, 13.12.2013.g.

Na osnovu člana 115. Poslovnika o radu Općinskog vijeća („Službeni glasnik općine Olovo“, broj: 2/07 i 4/08), Općinsko vijeće Općine Olovo na sjednici održanoj 06.12.2013. godine, **u s v o j i l o j e**

ZAKLJUČAK

1. **Utvrđuje se** Nacrt budžeta Općine Olovo za 2014. godinu i stavlja se na javnu raspravu u trajanju od 15 dana.
2. Javna rasprava će biti organizovana u mjesnim zajednicama, klubovima vijećnika, političkim strankama koje participiraju u radu Općinskog vijeća, nevladinim i neprofitnim organizacijama.
3. Organ za provođenje javne rasprave je Općinski načelnik.
4. Općinski načelnik je dužan rezultate javne rasprave (prikupljene prijedloge, mišljenja i sugestije na Nacrt budžeta) analizirati i o rezultatima javne rasprave podnijeti izvještaj Općinskom vijeću.

Broj: 01-01-3- 3188/13

Datum, 06.12.2013.godine.

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 3208/13
Datum: 06.12.2013. godine

Na osnovu člana 18. Statuta općine Olovo (“Službeni glasnik općine Olovo”, broj: 2/07 i 4/08), Općinsko vijeće Olovo na sjednici održanoj dana 06.12.2013. **d o n i j e l o j e**

Z A K L J U Č A K

I

Usvaja se Izvještaj o ostvarenim prihodima i izvršenim rashodima budžeta Općine Olovo za period 01.01.do 30.09.2013. godinu.

II

Sastavni dio ovog Zaključka čini Izvještaj o ostvarenim prihodima i izvršenim rashodima budžeta Općine Olovo za period 01.01.do 30.09.2013. godinu

Dostavljeno:

1. Opć. načelnik
2. Općinsko vijeće
3. Služba za ekon. poslove
4. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 06.12.2013. godine d o n o s i

ODLUKU
O izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parcelama k.p.164 i 163/4 dio zv."Okučnica" K.O.Olovo novoga premjera, koja se nalaze u Olovu ul. Branilaca Grada bb, ucrtava se lokacija za izgradnju pomoćnog objekta – garaže dimenzija 6,00 x 5,50 m spratnosti P, te lokacija za izgradnju potpornih zidova u svrhu uređenja lokacije.

Član 3.

Prije otpočinjanja radova na objektu investitor je dužan izvršiti uređenje lokacije po prihvaćenom projektu od strane nadležne službe u smislu izgradnje potpornih zidova i to od strane parcele k.p. broj:163/3 i od ul. Karagino Polje.

Član 4.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj: 01-01-3- 3211/13
Datum; 06.12.2013. godine

Izudin Kućanović, dr.med., s.r.

Na osnovu člana 54. stav 1. tačka 8. Statuta Općine Olovo ("Službeni glasnik općine Olovo", broj:8/99 i 9/99), člana 311. stav 2. Zakona o privrednim društvima ("Službene novine Federacije BiH", broj:23/99,45/00,6/02,29/03,68/05,91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj:8/05,81/08 i 22/09), Općinsko vijeće Olovo na sjednici održanoj dana 06.12. 2013.godine, donijelo je:

ODLUKU

o izmjenama i dopunama Odluke o usklađivanju organizacije i podataka od značaja za pravni promet JP "VETERINARSKA STANICA" Olovo, P.O. i organizovanja Javnog preduzeća „VETERINARSKA STANICA“ Olovo u d.o.o. sa Zakonom o javnim preduzećima u Federaciji Bosne i Hercegovine („Službene novine Federacije BiH“, broj 8/2005), broj 01-24-385/06 od 27.02.2006.g.

Član 1.

Ovom Odlukom vrše se izmjene i dopune Odluke o usklađivanju organizacije i podataka od značaja za pravni promet JP "VETERINARSKA STANICA" Olovo, P.O. i organizovanja Javnog preduzeća „VETERINARSKA STANICA“ Olovo u d.o.o. sa Zakonom o javnim preduzećima u Federaciji Bosne i Hercegovine („Službene novine Federacije BiH“, broj 8/2005), broj 01-24-385/06 od 27.02.2006.g (u daljem tekstu: Odluka) radi usklađivanja djelatnosti sa Odlukom o klasifikaciji djelatnosti Bosne i Hercegovine 2010 (Službeni glasnik BiH br. 47/2010), i radi usklađivanja organizacije i poslovanja javnog preduzeća sa odredbama Zakona o izmjenama i dopunama Zakona o javnim preduzećima u Federaciji Bosne i Hercegovine („Službene novine Federacije BiH“ broj 81/08 i 22/09) i odredbama Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“ broj 70/08).

Član 2.

Mijenja se član 5. i novi glasi :

Djelatnost Preduzeća shodno **Odluci o klasifikaciji djelatnosti Bosne i Hercegovine 2010 (Službeni glasnik BiH br. 47/2010), glasi:**

- 01.62 Pomoćne djelatnosti za uzgoj životinja
- 81.21 Osnovno čišćenje zgrada
- 81.22 Ostale djelatnosti čišćenja zgrada i objekata
- 81.23 Ostale djelatnosti čišćenja
- 75.00 Veterinarske djelatnosti

Sve djelatnosti iz predhodnog stava ovog člana imaju karakter posebnog javnog interesa i predstavljaju nezamjenjiv uslov života i rada građana i drugih subjekata na području općine Olovo.

Preduzeće može obavljati poslove samo u okviru djelatnosti upisane u sudski registar.

Preduzeće može obavljati i druge poslove koji se uobičajeno obavljaju uz djelatnosti upisane u sudski registar, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

Član 3.

Mijenja se i dopunjuje član 7. i novi glasi:

Osnovni kapital Preduzeća čini novac u iznosu od 2.000,00 KM (slovima: dvijehiljade KM), koji udio je vlasništvo osnivača - općine Olovo u 100% iznos.

Osnovni kapital Preduzeća se može povećati i smanjiti na osnovu odluke osnivača, s tim da se osnovni kapital ne može smanjivati ispod iznosa utvrđenog zakonom.

Osnivač obezbjeđuje uslove za rad Preduzeća i istom daje na korištenje poslovni prostor, zemljište i opremu za redovno poslovanje u okviru registrovanja djelatnosti, što se bliže uređuje Statutom Preduzeća.

Preduzeće ima fond rezervi.

Statutom preduzeća propisuju se statutarne rezerve, utvrđuje namjena i način njihovog korištenja.

Član 4.

Mijenja se i dopunjava član 12. i novi glasi:

Organi Preduzeća su: Skupština; Nadzorni odbor; Uprava i Odbor za reviziju.

Preduzećem upravlja Skupština koja odlučuje o :

- donošenje statuta Preduzeća i njegovim izmjenama i dopunama,
- raspodjeli godišnje dobiti i pokriće gubitaka,
- osnivanju novih preduzeća,
- planu poslovanja, investiranju i trajnoj poslovnoj saradnji, odnosno povezivanju sa drugim preduzećima, etičkom kodeksu i Poslovniku Skupštine,
- imenovanju i razrješenju Nadzornog odbora i Odbora za reviziju,
- usvajanje godišnjeg izvještaja Preduzeća koji uključuje finansijski izvještaj i izvještaj Nadzornog odbora i Odbora za reviziju, ostalim pitanjima u skladu sa Zakonom o privrednim društvima, Zakonom o javnim preduzećima, osnivačkim aktom i Statutom Preduzeća

Prava i obaveze Skupštine preduzeća vrši Osnivač.

U ime Osnivača prava i obaveze vrši Skupština preduzeća, koja se sastoji od predsjednika i dva člana.

Imenovanje iz stava 4. ovog člana vrši se na četiri godine, sa mogućnošću ponovnog izbora.

Imenovanje i razrješenje predsjednika i članova Skupštine preduzeća u ime Osnivača vrši Općinski načelnik.

Proceduru imenovanja i razrješenja predsjednika i članova Skupštine preduzeća provodi Općinski načelnik, u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Proceduru iz prethodnog stava može pokrenuti Općinski načelnik i Općinsko vijeće.

Rad Skupštine preduzeća biće regulisan poslovníkom o radu Skupštine preduzeća.

Do konačnog imenovanja Skupštine preduzeća, Općinsko vijeće Olovo imenuje vršioce dužnosti predsjednika i članova Skupštine preduzeća, na prijedlog Općinskog načelnika.

Član 5.

Mijenja se i dopunjava član 13. i novi glasi:

Nadzorni odbor je nadležan da:

- priprema i predlaže Etički kodeks, poslovničke i druge akte koje usvaja Skupština preduzeća;
- imenuje i razrješava Upravu u skladu sa Statutom preduzeća i predlaže kandidate za Odbor za reviziju u skladu sa Zakonom;
- razmatra i nadzire postupak javnih nabavki;
- daje mišljenje Skupštini o prijedlogu Uprave o raspodjeli dobiti;
- odlučuje o ostalim pitanjima u skladu sa Zakonom o privrednim društvima, Zakonom o javnim preduzećima i Statutom preduzeća.

Nadzorni odbor ima predsjednika i dva člana.

Prilikom imenovanja članova Nadzornog odbora, primjenjivaće se odredbe Zakona o privrednim društvima, Zakona o javnim preduzećima u Federaciji Bosne i Hercegovine i Statuta preduzeća.

Predsjednik i članovi Nadzornog odbora imenuju se istovremeno na preiod od četiri godine.

Za predsjednika i člana Nadzornog odbora ne mogu biti imenovana lica:

- osuđivana za krivična djela i za privredne prijestupe nespojive s dužnošću u Nadzornom odboru, pet godina od dana pravosnažnosti presude, isključujući vrijeme zatvorske kazne,
- kojima je presudom suda zabranjeno obavljanje aktivnosti u nadležnosti Nadzornog odbora,
- starija od 65 godina na dan imenovanja.

Član 6.

Mijenja se član 14. i novi glasi:

Uprava vodi poslovanje i zastupa Preduzeće.

Uprava je nadležna za izvještavanje Nadzornog odobora i provedbu Etičkog kodeksa, izradu i realizaciju planova poslovanja i postupka nabavke, te predlaganje raspodjele dobiti, prijem zaposlenika i regulisanje njihovog radno pravnog statusa.

Funkciju uprave vrši direktor Preduzeća.

Direktor Preduzeća zastupa i predstavlja Preduzeće bez ograničenja ovlaštenja, a u okviru zakonskih ovlaštenja.

Član 7.

Mijenja se član 15. i novi glasi:

Upravu bira, imenuje i razrješava Nadzorni odbor u skladu sa postupkom utvrđenim u Statutu preduzeća, na osnovu javnog konkursa, iz reda kandidata koji najbolje odgovaraju za obavljanje poslova, a ne mogu imati funkciju u političkim strankama. Za direktora Preduzeća može se postaviti doktor veterinarske medicine koji ima položen stručni ispit i najmanje pet godina radnog staža u struci.

Mandat direktora je četiri godine. Isto lice može biti ponovno imenovano za direktora Preduzeća.

Član 8.

Mijenja se član 16. i novi glasi:

Ako direktor nije imenovan u skladu sa zakonom, odluku o postavljenju vršioca dužnosti direktora donosi Nadzorni odbor uz saglasnost Skupštine preduzeća.

Vršilac dužnosti direktora postavlja se najduže na period od šest mjeseci.

Vršilac dužnosti direktora ima sva prava i obaveze direktora.

Član 9.

Mijenja se član 18. i novi glasi:

Odbor za reviziju dužan je da:

- imenuje vanjskog revizora u skladu sa zakonom;
- razmotri godišnju strategiju rizika i plan revizije, te preduzme mjere i aktivnosti na korekciji utvrđenih propusta;
- osigura uslove Odjelu za internu reviziju da izvrši svoj posao u skladu sa planom revizije i izvršava svoje obaveze u skladu sa važećim standardima;
- preduzme mjere da interna kontrola u Preduzeću bude adekvatna i efikasna;
- podnosi mjesečne izvještaje Nadzornom odboru Preduzeća o radu i preduzetim mjerama.

Odbor za reviziju je dužan svoje nadležnosti vršiti u skladu sa odredbama Zakona o javnim preduzećima i Zakonom o privrednim društvima.

Član 10.

Mijenja se i dopunjava član 19. i novi glasi:

Način izbora i razrješavanja Nadzornog odbora, Uprave i Odbora za reviziju uređuje se Statutom, kao i nadležnosti, prava i obaveze tih organa.

Član 11.

Mijenja se član 20. stav 1. i novi glasi:

Preduzećem upravlja Skupština, a prava i obaveze Skupštine preduzeća vrši Osnivač. U ime Osnivača prava i obaveze vrši skupština preduzeća u skladu sa članom 4. ove Odluke.

Član 12.

Statut preduzeća uskladit će se sa odredbama ove Odluke u roku od 60 (šezdeset) dana od dana upisa ovih promjena u sudski registar.

Ovlašćuje se Predsjedavajuću Općinskog vijeća da nakon usvajanja ove Odluke potpiše kod Notara notarski obrađenu Odluku o naprijed naznačenim izmjenama i dopunama, po osnovu koje će se izvršiti upis u sudski registar naprijed naznačenih promjena koje podliježi upisu, a direktor Preduzeća je dužan i ovlašten u zakonskom roku podnijeti sudskom registru Prijavu za upis naprijed naznačenih promjena po osnovu ove odnosno notarski obrađene Odluke u skladu sa ovom Odlukom.

Član 13.

Ova Odluka stupa na snagu danom donošenja, a biće objavljena u "Službenom glasniku općine Olovo".

Broj: 01-01-3- 3209/13
Olovo: 06.12.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr. med., s.r.

Na osnovu člana 18.Statuta Općine Olovo,(„Službeni glasnik Općine Olovo“ br: 2/07 i 4/08) , člana 2. i 311. stav 2. Zakona o privrednim društvima (“Službene novine Federacije BiH”,broj:23/99,45/00,2/02,6/02,29/03,68/05,91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine (“Službene novine Federacije BiH”,broj:8/05,81/08 i 22/09), Općinsko vijeće Olovo na sjednici održanoj 06.12.2013.godine, donijelo je:

**ODLUKU
O OSNIVANJU SKUPŠTINE
JAVNOG PREDUZEĆA „VETERINARSKA STANICA“D.O.O. OLOVO**

Član 1.

Ovom Odlukom Općina Olovo, kao osnivač Javnog preduzeća „Veterinarska stanica ” d.o.o. Olovo utvrđuje način imenovanja, sastav i način rada Skupštine.

Član 2.

(1) Javno preduzeće „Veterinarska stanica ” d.o.o. Olovo ima Skupštinu koja se sastoji od predsjednika i dva člana (u daljem tekstu: Skupština JP).

(2) Mandat članova Skupštine JP je četiri godine.

(3) Predsjednik i članovi Skupštine JP imaju pravo na naknadu za svoj rad, koja se utvrđuje posebnom odlukom Općinskog načelnika, a na prijedlog nadležne komisije Općinskog vijeća.

Član 3.

(1) Imenovanje i razrješenje predsjednika i članova Skupštine JP u ime Osnivača vrši Općinski načelnik.

Član 4.

(1) Odluku o kriterijima za imenovanje predsjednika i članova Skupštine JP donosi Općinski načelnik u roku od 15 dana od dana donošenja ove Odluke.

(2) Proceduru imenovanja Skupštine JP provodi Općinski načelnik u skladu sa Zakonom o ministarskim vladinim i drugim imenovanjima Federacije Bosne i Hercegovine.

(3) Javni oglas za imenovanje predsjednika i članova Skupštine JP raspisuje Općinski načelnik u roku od 15 dana od dana donošenja odluke iz stava 1. ovog člana.

Član 5.

Rok za imenovanje predsjednika i članova Skupštine JP je 90 dana od dana stupanja na snagu ove Odluke.

Član 6.

Skupština JP dužna je u roku od 15 dana od dana imenovanja usvojiti Poslovnik o radu Skupštine.

Član 7.

(1) Stupanjem na snagu ove Odluke prestaje da važe odredbe osnivačkog akta JP iz člana 1. Odluke koje su u suprotnosti s ovom Odlukom.

(2) Osnivački akt JP, statut i druga opća akta uskladit će se sa odredbama ove Odluke u roku od 60 dana od njenog stupanja na snagu.

Član 8.

Do konačnog imenovanja Skupštine JP, Općinsko vijeće Općine Olovo imenuje vršioce dužnosti predsjednika i članova Skupštine JP, na prijedlog Općinskog načelnika.

Član 9.

Ova Odluka stupa na snagu danom donošenja, a objaviće se u “Službenom glasniku općine Olovo”.

Broj: 01-01-3- 3210/13
Olovo: 06.12.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr. med., s.r.

Na osnovu člana 18.Statuta Općine Olovo, („Službeni glasnik Općine Olovo“ br:2/07 i 4/08), člana 4. stav 2. Zakona o ministarskim i drugim imenovanjima Federacije Bosne i Hercegovine (“Službene novine Federacije BiH”, broj 12/03 i 34/03) i člana 8. Odluke o osnivanju Skupštine Javnog preduzeća „Veterinarska stanica ” d.o.o. Olovo, čiji je osnivač Općina Olovo, broj: 01-01-3- 3210/13 od 06.12.2013. godine, na prijedlog Općinskog načelnika, Općinsko vijeće Olovo na sjednici održanoj 06.12.2013.godine, donijelo je:

**ODLUKU
O IMENOVANJU VRŠILACA DUŽNOSTI PREDsjedNIKA I ČLANOVA SKUPŠTINE JAVNOG
PREDUZEĆA „VETERINARSKA STANICA“D.O.O. OLOVO**

I.

Ovom Odlukom vrši se imenovanje vršilaca dužnosti predsjednika i dva člana Skupštine Javnog preduzeća „Veterinarska stanica ” d.o.o. Olovo (u daljem tekstu: Skupština preduzeća), i to:

- 1. SANEL SOKOLAR** iz Čuništa, Olovo , **vršilac dužnosti predsjednika Skupštine,**
- 2. ALENA ZUKIĆ SAMARDŽIĆ** iz Olova, Gornje Olovo b.b. **vršilac dužnosti člana Skupštine**
- 3. SENAD PAŠIĆ** iz Žunove, Olovo, **vršilac dužnosti člana Skupštine.**

II.

Vršioци dužnosti iz tačke I. Ove Odluke imenuju se na period do donošenja odluke o imenovanju predsjednika i članova Skupštine shodno propisima.

III.

Ova Odluka stupa na snagu danom donošenja, a objaviće se u “Službenom glasniku općine Olovo”.

Broj:01-01-3- 3221/13
Olovo, 06.12.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr. med., s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA OLOVO
OPĆINSKO VIJEĆE

Na osnovu člana 18. Statuta općine Olovo („Službeni glasnik općine Olovo“, broj: 2/07 i 4/08) i člana 2. tačka (3) Odluke o osnivanju Skupštine JP „Veterinarska stanica“ d.o.o. Olovo (broj: 01-01-3- 3210/13 od 06.12.2013. godine) Općinsko vijeće Olovo, na sjednici održanoj dana 06.12.2013. godine **donosi**

O D L U K U
o visini mjesečne naknade za rad predsjednika i članova Skupštine
JAVNOG PREDUZEĆA „VETERINARSKA STANICA“D.O.O. OLOVO

Član 1.

Ovom odlukom određuje se visina mjesečne naknade za rad predsjednika i članova Skupštine JP „Veterinarska stanica“ d.o.o. Olovo.

Član 2.

Naknada se utvrđuje kako slijedi:

- (1) predsjedniku Skupštine u iznosu od 75,00 KM (neto iznos)
- (2) članovima Skupštine u iznosu od 60,00 KM (neto iznos)

Član 3.

Naknada utvrđena ovom odlukom isplaćuje se iz sredstva JP „Veterinarska stanica“ d.o.o. Olovo. Isplata naknade za rad u Skupštine vršit će se u utvrđenom iznosu, mjesečno.

Pravo na naknadu članovima Skupštine obračunava se i isplaćuje počevši od dana imenovanja Skupštine JP „Veterinarska stanica“ d.o.o. Olovo.

Član 4.

JP „Veterinarska stanica“ d.o.o. Olovo dužna je uskladiti svoje akte sa odredbama ove odluke u roku od 30 dana od dana stupanja na snagu ove odluke.

Član 5.

Odluka stupa na snagu danom donošenja.

Broj: 01-01-3- 3222/13
Datum, 06.12.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.

Na osnovu člana 18. Statuta Općine Olovo, (Službeni glasnik Općine Olovo broj:2/07 i 4/08), Općinsko vijeće Općine Olovo na sjednici održanoj dana 06.12.2013 godine donosi

ODLUKU O USVAJANJU OBAVEZA IZ PLANA UPRAVLJANJA ZA SERIJSKU MEĐUDRŽAVNU NOMINACIJU NEKROPOLA SA STEĆCIMA

I

Usvaja se Odluka o usvajanju obaveza iz plana upravljanja za serijsku međudržavnu nominaciju nekropola sa stećcima. Plan upravljanja je sastavni dio dokumentacije nominacionog fajla za upis na Listu svjetske baštine UNESCO-a. (Prilog: Plan upravljanja)

II

Realizacija ciljeva i zadataka utvrđenih Planom upravljanja, u dijelu koji se odnosi na općine, za narednih pet godina se planira u sklopu godišnjih programa rada Općine, a sredstva za realizaciju se osiguravaju iz općinskog budžeta.

III

Svi provedbeni, razvojni, urbanistički, ekonomski planovi i druga planska dokumentacija Općine se ne mogu usvojiti ako isti nisu u skladu sa rješenjima utvrđenim Planom upravljanja.

IV

Općina se obavezuje da, po upisu Serijske međudržavne nominacije nekropola sa stećcima na Listu svjetskog naslijeđa, imenuje osobu za lokalnog upravitelja (*site menadžera*), i istom omogućiti pohađanje neophodne obuke do 2020.godine.

V

Nakon obuke upravitelji bi trebali preuzeti sljedeće obaveze:

- Redovno održavanje nekropole (košenje samoniklog rastinja 1-2 x godišnje);
- Redovni monitoring stanja nekropole (vizuelni pregled stanja nekropole i eventualnih oštećenja stećeka-odnošenje stećaka, razbijanje, grafiti, prirodne nepogode);
- Izvještavanje koordinacionog odbora i entitetske službe zaštite naslijeđa o rezultatima monitoringa, odnosno eventualnim oštećenjima stećaka.

VI

Općina, putem lokalnog upravljanja, jedanput godišnje, učestvuje u radu Koordinacionog odbora za BiH, a prema potrebi i više puta ukoliko Koordinacioni odbor za BiH sazove vanredni sastanak.

VII

U svrhu provođenja Plana upravljanja, Općina saraduje sa nadležnim organima vlasti i institucijama, a posebno sa Koordinacionim odborom za BiH.

VIII

Ova odluka stupa na snagu nakon objave iste u službenom glasniku Općine Olovo.

Broj: 01-01-3- 3187/13

Datum: 06.12.2013. godine

**PREDSJEDAVAJUĆI
OPĆINSKOG VIJEĆA**

Izudin Kućanović, dr. med., s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA OLOVO
OPĆINSKO VIJEĆE

Na osnovu člana 18. Statuta općine Olovo („Službeni glasnik općine Olovo“, broj: 2/07 i 4/08) i člana 18. stav 4. i 5. Statuta JKP „Bioštica“ d.o.o. Olovo (broj: OPU-IP br. 426/2013 od 18.09.2013. godine) Općinsko vijeće Olovo, na sjednici održanoj dana 06.12.2013. godine **donosi**

O D L U K U
o imenovanju vršilaca dužnosti predsjednika i članova Skupštine
JKP „Bioštica“ d.o.o. Olovo

Član 1.

Ovom odlukom vrši se imenovanje vršilaca dužnosti predsjednika i dva člana Skupštine JKP „Bioštica“ d.o.o. Olovo i to:

1. Merisa Kaljanac iz Olova, ul. Husein kapetan Gradašćević b.b., Olovo, vršilac dužnosti predsjednika Skupštine,
2. Senada Džakmić, ul. Školska, Olovo, vršilac dužnosti člana Skupštine i
3. Mustafa Jamaković, Olovske Luke b.b., Olovo, vršilac dužnosti člana Skupštine.

Član 2.

Vršioци dužnosti iz člana 1. ove Odluke imenuju se do donošenja odluke o imenovanju predsjednika i članova Skupštine shodno propisima.

Član 3.

Odluka stupa na snagu danom donošenja, a objaviti će se u „Službenom glasniku općine Olovo“

Broj: 01-01-3- 3212/13
Datum, 06.12.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA OLOVO
OPĆINSKO VIJEĆE

Na osnovu člana 18. Statuta općine Olovo („Službeni glasnik općine Olovo“, broj: 2/07 i 4/08), Općinsko vijeće Olovo, na sjednici održanoj dana 06.12.2013. godine **donosi**

O D L U K U
o visini mjesečne naknade za rad predsjednika i članova Skupštine
JKP „Bioštica“ d.o.o. Olovo

Član 1.

Ovom odlukom određuje se visina mjesečne naknade za rad predsjednika i članova Skupštine JKP „Bioštica“ d.o.o. Olovo.

Član 2.

Naknada se utvrđuje kako slijedi:

- (1) predsjedniku Skupštine u iznosu od 180,00 KM (neto iznos)
- (2) članovima Skupštine u iznosu od 150,00 KM (neto iznos)

Član 3.

Naknada utvrđena ovom odlukom isplaćuje se iz sredstva JKP „Bioštica“ d.o.o. Olovo.

Isplata naknade za rad u Skupštini vršit će se u utvrđenom iznosu, mjesečno.

Naknada članovima Skupštine obračunava se i isplaćuje počevši od dana imenovanja Skupštine JKP „Bioštica“ d.o.o. Olovo, odnosno od 17.05.2013. godine.

Član 4.

JKP „Bioštica“ d.o.o. Olovo dužno je uskladiti svoje akte sa odredbama ove odluke u roku od 30 dana od dana stupanja na snagu ove odluke.

Član 5.

Odluka stupa na snagu danom donošenja.

Broj: 01-01-3- 3213/13
Datum, 06.12.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj:01-01-3- 3215/13
Datum, 06.12.2013.godine

Na osnovu člana 7. Zakona o načelima lokalne samouprave u Federaciji BiH («Službene novine F BiH», broj 49/06) i na osnovu člana 18. Statuta Općine Olovo («Službeni glasnik Općine Olovo», broj: 2/07), na prijedlog Općinskog načelnika, Općinsko vijeće na sjednici održanoj dana 06.12.2013.godine, donijelo je

Z A K L J U Č A K
o dozvoli prometa poslovnog prostora

1. Dozvoljava se promet poslovnog prostora u privredi površine 71 m² koji se nalazi u stambeno poslovnoj zgradi LAM III, parcela broj 568/2 u prizemlju, na kojem Općina Olovo ima pravo raspolaganja upisano u Katastrasko knjižni uložak broj 323 K.O. Olovo.

2. Početna cijena 1 m² površine poslovnog prostora određena je procjenom vrijednosti Stalnog sudskog vještaka građevinske struke i iznosi 964,98 KM/m² ili ukupna vrijednost uz primjenu stope amortizacije 67.548,60 KM.

3. Prodaje će se izvršiti po proceduri propisanoj Zakonom.

4. Nakon izvršene prodaje Općinski načelnik će dostaviti Općinskom vijeću pismeni izvještaj o izvršenoj prodaji.

Dostavljeno:

1. Općinski načelnik,
2. Općinsko pravobranilaštvo,
3. Služba za ekonomske poslove 2x,
4. Evidencija,
5. a/a

**PREDSJEDAVAJUĆI
OPĆINSKOG VIJEĆA**

Izudin Kućanović, dr. med., s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 3207/13
Datum, 06.12.2013. godine

Općinsko vijeće Općine Olovo, rješavajući u predmetu dodjele neizgrađenog gradskog građevinskog zemljišta neposrednom pogodbom, na osnovu člana 45. stav 2. Zakona o građevinskom zemljištu («Službene novine Federacije BiH», broj 25/03), člana 18. Statuta Općine Olovo («Službeni glasnik Općine Olovo broj 2/07 i 4/08), člana 202. Zakona o upravnom postupku („Službene novine F BiH“, broj: 2/98 i 48/99), te Odluke o građevinskom zemljištu broj: 01-01-3-1971/08 od 30.04.2008. godine na sjednici održanoj dana 06.12.2013. godine, donijelo je

R J E Š E N J E

1. Dodjeljuje se **Medžlisu Islamske zajednice Olovo, Ul. Gornje Olovo Olovo**, gradsko građevinsko zemljište u svrhu izgradnje gradske džamije, lokacija u I građevinskoj zoni i to: **parcela broj 440/5 zvana Alinuša u površini od 350 m² K.O. Olovo novog premjera.**
2. **Medžlis islamske zajednice Olovo** iz Olova ul. Gornje Olovo **uplatio je** naknadu za zemljište iz tačke 1. ovog rješenja i to:
 - **za dodijeljeno zemljište iznos od 38.613,80 KM** (slovima tridesetosamhiljadašeststotinatrinaest/80 KM) na žiro račun broj 3389002203184775 vrsta prihoda 811 111 kod UniCredit bank poslovnica Olovo i
 - **za uređenje gradskog građevinskog zemljišta iznos od 1.756,20 KM** (hiljadusedamstotinapedesetšest/20 KM) na žiro račun broj 3380002210027217 vrsta prihoda 722 433 kod Uni Credit bank poslovnica Olovo.
3. Na zemljištu iz tačke 1. ovog rješenja, a nakon ovjere pravosnažnosti istog i uz dostavljene dokaze o uplati, Odjeljenje za zemljišno knjižne poslove Općinskog suda Visoko izvršit će **uknjižbu prava korištenja zemljišta radi građenja u korist Medžlisa islamske zajednice Olovo iz Olova sa 1/1 dijela.**

O b r a z l o ž e n j e

Rješenjem Općinskog vijeća Općine Olovo broj 01-31-3-1884/11 od 23.06.2011. godine, a nakon provedene konkursne procedure i Odluke o Izmjenama i dopunama Odluke o usvajanju Regulacionog plana Olovo – Centar broj 01-23-1418/11 od 28.04.2011. godine, dodijeljeno je Medžlisu Islamske zajednice Olovo, neizgrađeno gradsko građevinsko zemljište, lokacija u I građevinskoj zoni i to parcela broj **444/2 zvana Alinuša u površini od 837 m² i parcela broj 445/2 u površini od 222 m² K.O. Olovo**. Medžlis Islamske zajednice Olovo je istim rješenjem obavezan na plaćanje naknade za dodijeljeno zemljište u iznosu od **53.000,09 KM** (50 KM/1m²), za uređenje gradskog građevinskog zemljišta iznos od **6.618,75 KM**, te troškove postupka u iznosu od **250,00 KM**, sve u roku od 15 dana od prijema rješenja.

Odlukom o izmjeni i dopuni Odluke o usvajanju Regulacionog plana Olovo – Centar broj:01-01-3-1555/13 od 17.05.2013. godine donešenom od strane Općinskog vijeća Općine Olovo izmijenjen je Regulacioni plan u smislu položaja i sadržaja predviđene izgradnje na parceli Alinuša. Umjesto izgradnje Islamskog centra sa gradskom džamijom na lokaciji Alinuša između Osnovne škole i pekare Paštrik, ucrtava

se lokacija za izgradnju gradske džamije na lokaciji Alinuša između MSS „Musa Ćazim Ćatić“ Olovo i bosanske kuće.

Općinsko vijeće Općine Olovo je svojom odlukom dana 17.05.2013. izmijenilo i dopunilo Regulacioni plan Olovo – Centar odlukom broj 01-01-3-1555/13 shodno kojoj se ucrtava lokacija za izgradnju objekta gradske džamije na parceli 440/1 K.O. Olovo zvana Alinuša dimenzija 18,00 m x 15,00 m, a poništava ranije donesena odluka broj 01-23-1418/11 od 28.04.2011. godine (lokalitet između pekare „Paštrik“ i OŠ Olovo).

Shodno Zapisniku od 07.05.2013. godine predstavnici Medžlisa Islamske zajednice Olovo su upoznati sa navedenim izmjenama Regulacionog plana i lokacije za izgradnju gradske džamije, te sa presjekom dosadašnjeg stanja uplata po rješenju od 23.06.2011. godine o dodjeli.

Medžlis Islamske zajednice Olovo je dana 14. maja 2013. godine donio Odluku broj 08-47-18/13, zaprimljena u Općini Olovo dana 15.05.2013. godine, kojom daju saglasnost na promjenu lokacije za izgradnju džamije na platou Alinuša i prihvata zapisnik od 07.05.2013. godine.

Parcela 440/2 K.O. Olovo shodno Odluci o utvrđivanju zona gradskog građevinskog zemljišta nalazi se u I zoni i cijena po kojoj je Općina Olovo kupila 1m² navedene parcele od Dalagija Aiše iznosila je 110,00 KM. Shodno navedenom Općina Olovo će po istoj cijeni ustupiti, dodijeliti i Medžlisu Islamske zajednice dio navedene parcele u površini od 350 m² u odnosu na uplaćeni iznos naknade.

Dana 29.10.2013. godine održan je sastanak sa predstavnicima Medžlisa Islamske zajednice Olovo i usaglašena i površina za dodjelu (350 m² potrebna za objekat i zemljište za redovnu upotrebu objekta) i usaglašen iznos dosadašnjih uplata po ranije donešenom rješenju, a koji će biti priznati kao troškovi za dodjelu po ovom rješenju, jer predstavljaju isti osnov, a stavljanjem van snage rješenja od 23.06.2011. godine, zbog izmjene Regulacionog plana.

Prema evidenciji računovodstva, koja je usaglašena i sa dokazima o uplati pezentiranim na sastanku, od Računovodstva Općine i od Medžlisa Islamske zajednice (kopije uplatnica u prilogu) uplaćeni iznos zaključno sa 29.10.2013. godine je 31.001,80 KM. Prema uplaćenom iznosu (31.001,80/110KM/m²) može se ustupiti površina dijela parcele 440/1 – 281,80 m².

Iznos UGZ-a obračunat na površinu od 1059 m² – 6.618,75 KM, u odnosu na obračunati iznos za 281 m² – 1.756 KM, odnosno razlika iznosi 4.862 KM. Za iznos razlike uplaćenih sredstava za UGZ može se ustupiti, dodijeliti još 44 m² (4.862/110), tako da ukupna površina koja se može ustupiti za dosada uplaćena sredstava Medžlisa iznosi 325 m² (281 + 44). Medžlis Islamske zajednice Olovo uplatio je dana 30.10.2013. godine 2.750,00 KM, tako da ukupan iznos uplaćene naknade za dodjelu zemljišta iznosi 38.613,80 KM, odnosno za površinu od 350 m² x 110 KM/m², za UGZ iznosi 1756,20 i troškovi postupka 250 KM.

Kako je već provedena konkursna procedura za dodjelu parcele 444/2 zvana Alinuša u površini od 837 m² i parcele broj 445/2 u površini od 222 m² K.O. Olovo, a Odlukom Općinskog vijeća Općine Olovo, na prijedlog načelnika Općine, izmijenjen Regulacioni plan na potesu Alinuša i korigovan položaj za lokaciju gradske džamije, nova lokacija na parceli broj 440/2 K.O. Olovo u površini od 350 m² ustupa se neposrednom pogodbom uz plaćenu naknadu za dodjelu zemljišta.

Služba je pripremila nacrt rješenja i shodno odredbama član 16. Zakona o građevinskom zemljištu dana 31.10.2013. godine pismenim aktom broj 02-31-6-533/13 zatražila mišljenje Općinskog pravobranilaštva Olovo kojim se traži potvrda da je predložena dodjela u skladu sa važećim zakonima, te da su procedure koje predviđa zakon ispoštovane u cjelosti.

Dana 28.11.2013. godine Općinsko pravobranilaštvo Olovo dostavilo je mišljenje broj M- 14/13, kojim se potvrđuje da je predložena dodjela neizgrađenog građevinskog zemljišta Medžlisu Islamske zajednice Olovo iz Olova, u svrhu izgradnje gradske džamije označenog kao parcela broj 440/2 zv. "Alinuša" u površini od 350 m² upisana u ZK uložak broj 1926 K.O. Olovo, u skladu sa Zakonom o građevinskom zemljištu ("Sl. novine F BiH", broj 25/03) i Odlukom o građevinskom zemljištu Općine Olovo ("Službeni glasnik Općine Olovo", broj 4/08), te da je postupak u cjelosti proveden u skladu sa pozitivnim zakonskim propisima. Obzirom na navedeno, Općinsko pravobranilaštvo predleže da Općinsko vijeće donese rješenje o dodjeli parcele označene kao k.č. broj 440/5 zvana Alinuša u površini od 350 m² K.O. Olovo, Medžlisu Islamske zajednice Olovo.

Prilikom iskolčenja parcele položaj uskladiti sa postojećom infrastrukturom na licu mjesta .

Naknada za dodijeljeno zemljište i naknada za uređenje gradskog građevinskog zemljišta plećena shodno članu 62., 64. 70. 71. i 72. Zakona o građevinskom zemljištu, te na osnovu Odluke o građevinskom

zemljištu Općine Olovo broj 01-01-3-1971/08 od 30.04.2008. godine.

Troškovi postupka plaćeni 21.07.2011. godine po rješenju broj: 01-31-3-1884/11 od 23.06.2011. godine i priznaju se za uplaćene po ovom rješenju.

Predmetna dodjela izvršena shodno predviđenoj proceduri po članu 44. i 45. Zakona o građevinskom zemljištu («Službene novine Federacije BiH», broj 25/03).

Ovo rješenje je konačno u upravnom postupku i protiv njega se ne može izjaviti žalba, ali se može pokrenuti upravni spor podnošenjem tužbe kod Kantonalnog suda Zenica, u roku od 30 dana od dana prijema ovog rješenja.

Tužba se podnosi neposredno sudu u dva primjerka.

Dostavljeno:

1. Medžlis islamske zajednice Olovo Gornje Olovo,
2. Služba za ekonomske poslove 2x,
3. Općinsko pravobranilaštvo ovdje,
4. ZK ured nakon pravosnažnosti,
5. Katastar,
6. Evidencija OV,
7. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr. med., s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3-3216/13
Datum, 06.12.2013. godine

Na osnovu člana 63. stav 2. Zakona o zdravstvenoj zaštiti u Federaciji BiH („Službene novine Federacije BiH“, broj 46/10), i člana 18. Statuta Općine Olovo („Službeni glasnik Općine Olovo“, broj: 2/07 i 4/08) razmatrajući tekst Statuta JU dom zdravlja Olovo, Općinsko vijeće Općine Olovo, na sjednici održanoj dana 06.12.2013. godine, d a j e

S A G L A S N O S T **na Statut JU Dom zdravlja Olovo**

I

Daje se saglasnost na Statut JU Dom zdravlja Olovo kao u tekstu koji je potvrđen i ovjeren od strane notara Suljević Sefedina, sa službenim sjedištem u Ilijašu.

II

Prilog ove Saglasnosti čini Statut JU Dom zdravlja Olovo u tekstu opisanom u tački I .

Dostavljeno:

1. JU Dom zdravlja – Upravni odbor
2. JU Dom zdravlja - Direktor
3. Općinsko vijeće
4. Općinski načelnik
5. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.

Na osnovu člana 7. Upustva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", br. 9/10, 37/10 i 74/11), člana 18. Statuta Općine Olovo ("Službeni glasnik Općine Olovo, br. 2/07 i 4/08), Općinskog vijeća Olovo na sjednici održanoj dana 06.12.2013. godine, donosi

ODLUKU
o objavljivanju javnog oglasa za imenovanje člana Općinske izborne komisije

I

Tekst javnog oglasa za izbor jednog člana Općinske izborne komisije objaviti: u dnevnom listu "NAŠA RIJEČ", na Web stranici Općine Olovo, na oglasnoj ploči Općine, Javni oglas u više navrata objaviti putem Radija Olovo.

II

Provođenje postupka po javnom oglasu za imenovanje jednog člana Općinske izborne komisije, provest će Komisija Općinskog vijeća za izbor i imenovanja.

III

Po zatvaranju javnog oglasa, Komisija podnosi pisani izvještaj nadležnom organu tj. Općinskom vijeću shodno odredbama člana 7. tačka c) Upustva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini.

IV

Općinsko vijeće, cijeneći položaj kandidata na rang listi koju utvrdi komisija shodno odredbama člana 7. tačka c) Upustva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini donosi odluku o imenovanju člana komisije.

V

Prilog ove Odluke čini tekst Javnog oglasa za imenovanje člana Općinske izborne komisije.

VI

Ova odluka stupa na snagu danom donošenja a objavit će se u "Službenom glasniku Općine Olovo"

Broj: 01-01-3- 3214/13
Datum: 06.12.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr.med., s.r.

S A D R Ź A J

strana

1. Zaključak o utvrđivanju NACRTA budžeta Općine Olovo za 2014. godinu	1
2. Zaključak o usvajanju izvještaja o ostvarenim prihodima i izvršenim rashodima budžeta Općine Olovo za period 01.01. do 30.09.2013. godine	2
3. Odluka o izmjenama i dopunama Reg. plana, (po zahtjevu Gurda Hazima)	3
4. Odluka o izmjenama i dopunama Odluke o usklađivanju organizacije i podataka od značaja za pravni promet JP „Veterinarska stanica” Olovo P.O. i organizovanju JP „Veterinarska stanica” d.o.o. Olovo	4
5. Odluka o osnivanju Skupštine JP „Veterinarska stanica” d.o.o. Olovo	7
6. Odluka o imenovanju v.d. Predsjednika i članova Skupštine JP „Veterinarska stanica”	8
7. Odluka o visini naknade predsjed. i članovima Skupštine JP „Veterinarska stanica”	9
8. Odluka o usvajanju obaveza iz plana upravljanja za serijsku međudržavnu nominaciju nekropola sa stećcima.	10
9. Odluka o imenovanju Predsjednika i članova Skupštine JKP „Bioštica” Olovo	11
10. Odluka o visini naknade Predsjedniku i članovima Skupštine JKP „Bioštica” Olovo.....	12
11. Zaključak o dozvoli raspisivanja konkursa za prodaju poslovnog prostora u vlasništvu Općine Olovo Lamela III Olovo.	13
12. Rješenje o dodjeli gradskog građevinskog zemljišta za izgradnju grdske džamije	14
13. Saglasnost na Statut JU „Dom zdravlja” Olovo	17
14. Odluka o objavljivanju javnog oglasa za imenovanje člana Oćinske izborne komisije.	18

Ovaj Službeni glasnik istaknut je na oglasnoj tabli
Općine Olovo dana **13.12.2013.godine**

Ovjerava:

SEKRETAR

OPĆINSKOG VIJEĆA

Zijad Karić, dipl. pravnik,